

მეცითრუსეობა, როგორც აგრარული ეკონომიკის მნიშვნელოვანი დარგი: მსოფლიო და საქართველოს ეკონომიკური გამოცდილების ანალიზი

DOI:10.36962/ECS108/4-6/2026-72

თაკო ჯინჭარაძე
სტუ ეკონომიკის მაგისტრი
E-mail: jintcharadze.tako@gmail.com

რეზიუმე

სოფლის მეურნეობა მნიშვნელოვან როლს ასრულებს მრავალი ქვეყნის ეკონომიკაში, განსაკუთრებით იქ, სადა იგი დასაქმების, სასურსათო უსაფრთხოებისა და საექსპორტო შემოსავლების ერთ-ერთ ძირითად წყაროა. ამ კონტექსტში ციტრუსის მეურნეობა გამოირჩევა, როგორც მაღალშემოსავლიანი და ბაზარზე ორიენტირებული სექტორი. ფორთოხალი, მანდარინი, ლიმონი და სხვა ციტრუსოვანი კულტურები ფასდება მათი კვებითი ღირებულებისა და საერთაშორისო ბაზარზე მუდმივი მოთხოვნის გამო. მსოფლიოში ციტრუსის წარმოება ხელს უწყობს ეკონომიკურ ზრდას, სამუშაო ადგილების შექმნასა და საგარეო ვაჭრობის განვითარებას. საქართველოშიც ციტრუსის მეურნეობა მნიშვნელოვან როლს ასრულებს, განსაკუთრებით დასავლეთ რეგიონებში. წინამდებარე ნაშრომის მიზანია გააანალიზოს ციტრუსის წარმოების ეკონომიკური მნიშვნელობა, წარმოების ტენდენციები, ვაჭრობის დინამიკა და სექტორის ძირითადი გამოწვევები გლობალურ და ეროვნულ დონეზე. კვლევა ასევე შეეხება ბაზრის განვითარების შესაძლებლობებს და კონკურენტუნარიანობის გაუმჯობესების თანამედროვე გზებს, მეთოდებს.

საკვანძო სიტყვები: აგრარული ეკონომიკა, სოფლის მეურნეობის სექტორი, მეციტრუსეობა, აგრობიზნესი.

შესავალი

მეციტრუსეობა წარმოადგენს აგრარული ეკონომიკის ერთ-ერთ მნიშვნელოვან და სტრატეგიულ დარგს, რომელიც გამოირჩევა მაღალი ეკონომიკური ეფექტიანობითა და ფართო გამოყენების შესაძლებლობებით. იგი აერთიანებს, როგორც სასოფლო-სამეურნეო წარმოებას, ისე გადამამუშავებელ მრეწველობას, რაც ქმნის დამატებულ ღირებულებას და ზრდის ამ დარგის როლს აგრობიზნესის სისტემაში.

მსოფლიო მასშტაბით ციტრუსის წარმოება ერთ-ერთ უმსხვილეს და სტაბილურ აგრარულ სექტორს წარმოადგენს, რომელსაც მნიშვნელოვანი წვლილი შეაქვს საერთაშორისო ვაჭრობისა და ქვეყნების ეკონომიკურ განვითარებაში. დარგი განსაკუთრებით მნიშვნელოვანია იმ ქვეყნებისთვის, რომლებიც ორიენტირებულნი არიან აგროექსპორტსა და დამატებული ღირებულების შექმნაზე.

ამ ნაშრომის მიზანია მეციტრუსეობის როგორც მსოფლიო, ისე საქართველოს ეკონომიკურ სისტემაში ადგილისა და მნიშვნელობის ანალიზი, მისი გამოწვევებისა და განვითარების პერსპექტივების განხილვა.

ძირითადი ტექსტი

საქართველოში მეციტრუსეობა ძირითადად განვითარებულია სუბტროპიკულ რეგიონებში და მნიშვნელოვან სოციალურ-ეკონომიკურ ფუნქციას ასრულებს, განსაკუთრებით სოფლის მოსახლეობის დასაქმებისა და შემოსავლების ფორმირების თვალსაზრისით. მიუხედავად მისი შე-

დარებით მცირე წილისა მსოფლიო ბაზარზე, დარგი მაინც მნიშვნელოვან როლს თამაშობს ქვეყნის რეგიონულ განვითარებაში.

ამჟამად, მეციტრუსეობა აგრარული ეკონომიკის ერთ-ერთ მაღალეფექტიან მიმართულებად მიიჩნევა. მისი ეკონომიკური უპირატესობა განპირობებულია რამდენიმე ფაქტორით:

- მაღალი მოსავლიანობა შედარებით მცირე მიწის ფართობზე;
- პროდუქციის მაღალი საბაზრო ღირებულება;
- გადამამუშავებელი მრეწველობის განვითარების შესაძლებლობა.

ციტრუსის წარმოება ქმნის დამატებულ ღირებულებას გადამამუშავების გზით (წვენები, კონცენტრატები, ეთერზეთები), რაც ზრდის დარგის შემოსავლიანობას და ამყარებს მის პოზიციას აგრობიზნესის ჯაჭვში.

კვლევა ეფუძნება რაოდენობრივი და თვისებრივი ანალიზის მეთოდებს. გამოყენებულია FAOSTAT-ის, საქსტატის, OECD-ისა და საერთაშორისო ორგანიზაციების სტატისტიკური მონაცემები. შედარებითი ანალიზის საფუძველზე შეფასებულია მსოფლიო და საქართველოს მეციტრუსეობის სექტორის ეკონომიკური მაჩვენებლები. მსოფლიო მასშტაბით ციტრუსის წარმოება ერთ-ერთ უმსხვილეს აგრარულ სექტორს წარმოადგენს. ბოლო წლების მონაცემებით, მსოფლიო ციტრუსის წარმოება საშუალოდ 155–160 მილიონ ტონას შეადგენს წელიწადში.

მსოფლიო ციტრუსის წარმოება მკვეთრად კონცენტრირებულია რამდენიმე ქვეყანაში, სადაც ჩინეთი იკავებს პირველ ადგილს და უზრუნველყოფს გლობალური წარმოების დაახლოებით მესამედს. ბრაზილია და ინდოეთი ასევე მნიშვნელოვან როლს ასრულებენ, რაც აჩვენებს აზიისა და ლათინური ამერიკის დომინირებას ამ სექტორში.

ცხრილი 1. ციტრუსის მსოფლიო წარმოება წამყვან ქვეყნებში (2023, FAO/მიმდინარე შეფასებები)

ქვეყანა	წარმოება (მლნ ტონა)	მსოფლიო წილი (%)	შენიშვნა
ჩინეთი	47	~30%	მსოფლიოში უდიდესი მწარმოებელი
ბრაზილია	20	~13%	ლიდერი ექსპორტში (განსაკუთრებით წვენი)
ინდოეთი	15	~9-10%	დიდი შიდა მოხმარება
მექსიკა	8,5	~5%	მნიშვნელოვანი ექსპორტიორი
ესპანეთი	6	~4%	ევროკავშირის წამყვანი მწარმოებელი
თურქეთი	5,5	~3-4%	რეგიონული ექსპორტი
აშშ	5	~3%	ფლორიდა და კალიფორნია მთავარი რეგიონებია
ეგვიპტე	4	~2-3%	სწრაფად მზარდი ექსპორტი

წყარო: <https://www.fao.org/faostat/en/#data/QCL> (Food and agriculture organization of the united nations- გაეროს სურსათისა და სოფლის მეურნეობის ორგანიზაცია)

ევროპისა და ჩრდილოეთ ამერიკის ქვეყნები გამოირჩევიან უფრო მცირე წარმოებით, თუმცა მაღალი ტექნოლოგიური განვითარებითა და ექსპორტის ეფექტური სისტემებით. საერთო ჯამში, ციტრუსის სექტორი წარმოადგენს სტაბილურ და გლობალურად მნიშვნელოვან აგრარულ მიმართულებას.

ეკონომიკური ეფექტიანობა განსაკუთრებით მაღალია იმ ქვეყნებში, რომლებიც:

- აკმაყოფილებენ საერთაშორისო ხარისხის სტანდარტებს;

- იყენებენ თანამედროვე ლოჯისტიკურ სისტემებს;
- ორიენტირებულნი არიან დამატებული ღირებულების შექმნაზე.

აღნიშნული დარგი ხელს უწყობს: სოფლის მოსახლეობის დასაქმებას, რეგიონული ეკონომიკის სტაბილურობას, ინფრასტრუქტურის განვითარებას. კვლევა ცხადყოფს, რომ მეციტრუსეობა სცილდება მხოლოდ აგრარული წარმოების ჩარჩოებს და იქცევა რეგიონული განვითარების სტრატეგიულ კომპონენტად.

საქართველოში მეციტრუსეობა ძირითადად განვითარებულია დასავლეთ რეგიონებში — აჭარასა და გურიაში, სადაც ნოტიო სუბტროპიკული კლიმატი ხელსაყრელ პირობებს ქმნის. წამყვან კულტურას კი მანდარინი წარმოადგენს.

ცხრილი 2 ასახავს საქართველოში მეციტრუსეობის წარმოების დინამიკას 2020–2024 წლებში. მონაცემების მიხედვით, წარმოება არ არის სტაბილური და ხასიათდება გარკვეული მერყეობით.

ცხრილი 2. ციტრუსის წარმოების დინამიკა საქართველოში

წელი	წარმოება (ათასი ტონა)
2020	63.2
2021	58.7
2022	61.0
2023	71.6
2024	55.4

წყარო: საქსტატი

2021 წელს აღინიშნება შემცირება (58.7 ათასი ტონა), რაც შესაძლოა დაკავშირებული იყოს კლიმატურ პირობებთან ან მოსავლის არასახარბიელო სეზონთან. 2023 წელს დაფიქსირდა მაქსიმალური მაჩვენებელი — 71.6 ათასი ტონა, რაც მიუთითებს დარგის დროებით ზრდასა და ხელსაყრელ პირობებზე. თუმცა 2024 წელს კვლავ ხდება შემცირება 55.4 ათას ტონამდე.

საერთო ჯამში, მონაცემები აჩვენებს, რომ საქართველოს მეციტრუსეობის სექტორი დამოკიდებულია ბუნებრივ ფაქტორებზე და საჭიროებს უფრო სტაბილურ აგროტექნოლოგიურ განვითარებასა და ეფექტიან მართვას.

მიუხედავად იმისა, რომ საქართველოს წილი მსოფლიო წარმოებაში უმნიშვნელოა, მეციტრუსეობა მნიშვნელოვან როლს ასრულებს რეგიონული დასაქმებისა და სოფლის მოსახლეობის შემოსავლების ფორმირებაში. მცირე მეურნეობებისთვის ციტრუსის წარმოება ხშირად წარმოადგენს ძირითად ეკონომიკურ საქმიანობას.

საქართველოს ციტრუსის ექსპორტი ძირითადად კონცენტრირებულია **მანდარინზე**. ბოლო წლების მონაცემებით, ექსპორტის მოცულობები საშუალოდ 15–25 ათას ტონას შეადგენს წელიწადში. საექსპორტო მიმართულებებია - რუსეთის ფედერაცია, სომხეთი, აზერბაიჯანი, ყაზახეთი, უკრაინა. ექსპორტი ზრდის ფერმერთა შემოსავლებს და ხელს უწყობს პროდუქციის ხარისხის გაუმჯობესებას. იმპორტი საჭიროა არასეზონურ პერიოდში ან ადგილობრივი წარმოების არასაკმარისი მოცულობის შემთხვევაში, პროდუქციის მრავალფეროვნებისთვის, მთავარი იმპორტის წყაროებია - თურქეთი, ირანი, ესპანეთი (ლიმონი, ფორთოხალი). იმპორტი უზრუნველყოფს ბაზრის სტაბილურობას და ფასი-მოთხოვნის დაბალანსებას. საგარეო ვაჭრობის ბალანსის შენარჩუნებისთვის ექსპორტი და იმპორტი ერთობლივად ზრდის ეკონომიკურ მდგრადობას შესაბამის პერიოდებში.

რაც შეეხება ადგილობრივ ბაზარსა და ფერმერების მთავარ პრობლემებს, მიუხედავად ექსპორტის ზრდისა, ადგილობრივი ფერმერები ხშირად კმაყოფილები არ არიან გასაღების ბაზრით, რადგან:

- მაღალ ფასზე პირდაპირი გაყიდვის შეუძლებლობა, ანუ ფერმერები ძირითადად დამოკიდებული არიან შუამავლურ ქსელებზე ან კოოპერატივებთან, შედეგად, ვერ იღებენ სამართლიან ფასს;
- გაყიდვის სეზონურობა და კონკურენცია: მოსავლის პიკში მინოდება გადაჭარბებულია → ფასები ეცემა, იმპორტირებული პროდუქცია ზრდის კონკურენციას;
- ბაზრის არასტრუქტურირებულობა და ლოჯისტიკური ხარჯები: ფერმერებს უწევთ პროდუქციის გადატანა დიდ ქალაქებში ან შუამავლებისთვის, რაც ამცირებს შემოსავალს.

ეკონომიკური შედეგების შესაბამისად კი დაბალი მოგება ამცირებს მოტივაციას თანამედროვე ტექნოლოგიების დანერგვისა და წარმოების მასშტაბის ზრდისკენ, საჭიროებს ფერმერთა კოოპერაციას, პირდაპირი ბაზრების განვითარებასა და ხარისხზე ორიენტირებას.

საქართველოში მეციტრუსეობის განვითარება რამდენიმე სტრუქტურული და ტექნოლოგიური გამოწვევით არის შეზღუდული, რაც პირდაპირ აისახება, როგორც წარმოების მოცულობაზე, ისე ფერმერთა ეკონომიკურ მდგომარეობაზე. ერთ-ერთი მთავარი პრობლემა არის დაბალი პროდუქტიულობა, რაც ხშირ შემთხვევაში დაკავშირებულია ძველი ჯიშების გამოყენებასთან, არასაკმარის აგროტექნიკურ მოვლასთან და თანამედროვე სარწყავი სისტემების ნაკლებობასთან. მაგალითად, მცირე მეურნეობებში ერთ ჰექტარზე მიღებული მოსავალი მნიშვნელოვნად ჩამორჩება თანამედროვე ინტენსიურ ბაღებს, სადაც მოსავლიანობა გაცილებით მაღალია.

დარგის განვითარებას ასევე აფერხებს მოძველებული აგროტექნოლოგიები, რაც განსაკუთრებით თვალსაჩინოა სუბტროპიკულ რეგიონებში, როგორიცაა აჭარა და გურია. ბევრ მეურნეობაში კვლავ გამოიყენება ტრადიციული მორწყვისა და მცენარეთა დაცვის მეთოდები, რაც იწვევს მოსავლის დანაკარგებს და პროდუქციის ხარისხის შემცირებას. ამის პარალელურად, სუსტი გადამამუშავებელი სექტორი ნიშნავს იმას, რომ ციტრუსის დიდი ნაწილი რეალიზდება ნედლი სახით და ქვეყანაში არ იქმნება დამატებული ღირებულება. მაგალითად, მანდარინის უმეტესი ნაწილი იყიდება პირდაპირ ბაზარზე ან შუამავლების მეშვეობით, მაშინ როცა მისი გადამამუშავება ნვენად ან კონცენტრატად მნიშვნელოვნად გაზრდიდა შემოსავლებს.

ადგილობრივი მწარმოებლები ძირითადად დამოკიდებულნი არიან რეგიონულ ბაზრებზე, როგორიცაა რუსეთი და მეზობელი ქვეყნები, მაშინ როცა ევროკავშირის ბაზარზე შესვლა რთულია ხარისხის სტანდარტების, სერტიფიცირების მოთხოვნებისა და ლოჯისტიკური ხარჯების გამო. შედეგად, ფერმერები ხშირად ვერ იღებენ პროდუქციის რეალურ საბაზრო ფასს.

მიუხედავად აღნიშნული პრობლემებისა, დარგს აქვს განვითარების მნიშვნელოვანი პოტენციალი. თანამედროვე აგროტექნოლოგიების დანერგვა, მაგალითად წვეთოვანი სარწყავი სისტემები და მავნებელთა კონტროლის გაუმჯობესებული მეთოდები, მნიშვნელოვნად ზრდის მოსავლიანობას და ამცირებს დანაკარგებს. ასევე, ფერმერთა კოოპერაცია საშუალებას აძლევს მცირე მწარმოებლებს გაერთიანდნენ, შეამცირონ შუამავლების გავლენა და მიიღონ უფრო მაღალი შემოსავალი. გარდა ამისა, ხარისხზე ორიენტირებული წარმოება და პროდუქციის დახარისხება ქმნის შესაძლებლობას, რომ ქართული ციტრუსი უფრო კონკურენტუნარიანი გახდეს როგორც შიდა, ისე საექსპორტო ბაზრებზე. შედეგად, სწორად დაგეგმილი განვითარება ხელს შეუწყობს დარგის ეკონომიკურ გაძლიერებას და მის ინტეგრაციას საერთაშორისო აგრარულ ბაზრებში.

საქართველოში მოქმედებს სხვადასხვა პროგრამა მეციტრუსეობის ხელშეწყობისთვის, საქართველოს სოფლის მეურნეობის სამინისტროს ქოლგის ქვეშ მოქმედი პროგრამაა, რომელიც მოიცავს: ბაღების გაშენების დაფინანსებას (მათ შორის ციტრუსი), ტექნიკის თანადაფინანსებას, გადამამუშავებელი საწარმოების მხარდაჭერას. მათ შორის ცნობილია დანერგე მომავალი: ახალი ბაღების გაშენების თანადაფინანსება, ნერგების შეძენის მხარდაჭერა, სარწყავი სისტემების დაფინანსება, რომელიც აქტიურად გამოიყენება აჭარასა და გურიაში. მნიშვნელოვანია, ასევე აწარმოე საქართველოში, უცხოური ორგანიზაციების მხარდაჭერა FAO, ENPARD, USAID.

აჭარის რეგიონში დამატებით მოქმედებს ციტრუსის სუბსიდირების პროგრამა, რომელიც ფერმერებს საშუალებას აძლევს დაბალი ხარისხის პროდუქციის რეალიზაცია მოახდინონ სახელმწიფოს მხარდაჭერით. ასევე ფუნქციონირებს ციტრუსის საკოორდინაციო ცენტრი, რომელიც

სეზონურად ეხმარება ფერმერებს პროდუქციის ჩაბარებასა და ექსპორტიორებთან დაკავშირებაში. მიუხედავად ამისა, საქართველოში არსებული პროგრამები ძირითადად ნაწილობრივ მხარდაჭერას უზრუნველყოფს და ნაკლებად ქმნის სრულფასოვან სისტემას, რომელიც ფერმერს წარმოებიდან ექსპორტამდე მიჰყვება.

საერთაშორისო პრაქტიკის განხილვა აჩვენებს, რომ განვითარებულ ქვეყნებში მეციტრუსეობა ბევრად უფრო სისტემურად არის ორგანიზებული. მაგალითად, ესპანეთში ციტრუსის სექტორი ძლიერად არის ინტეგრირებული ევროკავშირის აგროპოლიტიკაში. ფერმერები იღებენ პირდაპირ სუბსიდიებს ჰექტარზე, აქტიურად არიან ჩართულნი კოოპერატივებში და აქვთ სტაბილური წვდომა ევროპულ ბაზარზე. კოოპერატივები არა მხოლოდ პროდუქციის შეგროვებას, არამედ მის დახარისხებას, შეფუთვასა და ექსპორტსაც უზრუნველყოფენ, რაც მნიშვნელოვნად ზრდის ფერმერთა შემოსავალს.

ამერიკის შეერთებულ შტატებში განსაკუთრებული ყურადღება ეთმობა მეცნიერულ კვლევებსა და ტექნოლოგიურ განვითარებას. USDA და მასთან დაკავშირებული ინსტიტუტები მნიშვნელოვან რესურსებს ხარჯავენ დაავადებების კონტროლსა და ახალი ტექნოლოგიების დანერგვაზე. სახელმწიფო ასევე ახორციელებს აგროდაზღვევის პროგრამებს და ზოგ შემთხვევაში თავადაც ყიდულობს ფერმერთა პროდუქციას, რაც ბაზრის სტაბილურობას უზრუნველყოფს.

განვითარებად ქვეყნებში, მაგალითად პაკისტანში, აქცენტი კეთდება მაღალი სუბსიდიების გაცემაზე, განვითარებული ჩინეთი კი დიდ ყურადღებას უთმობს გადამამუშავების ინდუსტრიას და ექსპორტზე ორიენტირებულ წარმოებას, რაც მას კონკურენტუნარიანს ხდის მსოფლიო ბაზარზე.

შედარებითი ანალიზი ცხადყოფს, რომ საქართველოს მთავარი გამოწვევა არა იმდენად დაფინანსების ნაკლებობაა, რამდენადაც სისტემურობის დეფიციტი. სხვა ქვეყნებში პროგრამები ქმნის ერთიან ჯაჭვს — წარმოებიდან საბოლოო რეალიზაციამდე — მაშინ როდესაც საქართველოში მხარდაჭერა ხშირად ფრაგმენტულია.

მთავრობის ხელშეწყობით შესაძლოა უფრო განვითარდეს აღნიშნული სფერო მაგალითად, **ინფრასტრუქტურისა და ლიჯისტიკის** გამართულობა კონკრეტულად კი გაყინვისა და შენახვის კომპლექსები, გასაცივებელი საწყობები, ტრანსპორტირების გაუმჯობესება: გზები, მაცივრები, კონტროლირებული ტემპერატურის სატრანსპორტო სისტემა — ნაკლებად დაზიანებული პროდუქტი = მაღალი ფასი. ასევე საჭიროა **ფინანსური მხარდაჭერა** - სუბსიდირება და გრანტები: მანდარინის ხარისხის გაუმჯობესების, ორგანული მეურნეობის ან შეფუთვის თანამედროვე ტექნოლოგიების შესაძენად. ბარათული სესხები: დაბალი პროცენტით, რაც საშუალებას აძლევს ფერმერს ინვესტირება გაუკეთოს ხარისხსა და ბრენდირებაში. **მარკეტინგი და ბრენდირება** - სახელმწიფო ბრენდი: “ქართული მანდარინი” - ეროვნული ლოგოს გამოყენება საერთაშორისო ბაზრებზე, პრემიუმ სერტიფიკატები: დახმარება GAP, ISO, ორგანული სერტიფიკატების აღებაში, რაც ფასს ზრდის. **ექსპორტის მხარდაჭერა** - საკონსულტაციო ცენტრები, საბაჟო სტიმულები, ხელშეწყობა საერთაშორისო გამოფენებში მონაწილეობისთვის, სადაც ქართველი ფერმერები შეხვდებიან მაღალშემოსავლიან საცალო და მსხვილ მყიდველებს. **განათლება და ტრენინგები** - ფერმერებისთვის ტრენინგები: სორტირება, გრადაცია, ორგანული მეურნეობა, თანამედროვე შეფუთვა, კოოპერატივების მხარდაჭერა: ფერმერების გაერთიანება საშუალებას აძლევს მეტი მოლაპარაკების უფლება ჰქონდეთ მაღალ ფასზე. **ტექნოლოგიური ინოვაცია** - ციფრული ფერმინგი: დისტრიბუციის და გაყიდვების პლატფორმები, სადაც ფერმერი პირდაპირ გაყიდავს მაღალ ფასში, პროდუქტის ხარისხის მონიტორინგი: სახელმწიფო ლაბორატორიები ან სერტიფიკაციის ცენტრები, რათა საერთაშორისო სტანდარტებს აკმაყოფილებდეს.

დასკვნა

მეციტრუსეობა წარმოადგენს აგრარული ეკონომიკის ერთ-ერთ მნიშვნელოვან და მრავალმხრივ დარგს, რომელიც მნიშვნელოვან გავლენას ახდენს როგორც მსოფლიო, ისე ეროვნული ეკონომიკების განვითარებაზე. იგი არ შემოიფარგლება მხოლოდ სოფლის მეურნეობის წარმოებით,

არამედ მოიცავს გადამუშავებას, ვაჭრობასა და ექსპორტზე ორიენტირებულ ეკონომიკურ საქმიანობას.

მსოფლიო გამოცდილება აჩვენებს, რომ ციტრუსის წარმოება ერთ-ერთ ყველაზე სტაბილურ აგროსექტორს წარმოადგენს. ეს განპირობებულია პროდუქტის ფართო მოხმარებით, კვებითი ღირებულებითა და გლობალური ვაჭრობის კარგად განვითარებული ქსელით.

საქართველოს შემთხვევაში, მიუხედავად წარმოების შედარებით მცირე მოცულობისა, მეციტრუსეობას გააჩნია მნიშვნელოვანი სოციალურ-ეკონომიკური ფუნქცია. ამასთან, დარგი ქმნის დასაქმების შესაძლებლობებს და ხელს უწყობს რეგიონული ეკონომიკის სტაბილურობას. თუმცა, სექტორის განვითარებას მნიშვნელოვნად აფერხებს რამდენიმე სტრუქტურული პრობლემა, მათ შორის ფერმერების შეზღუდული ნვდომა ბაზრებზე და ფასი-მოთხოვნის ასიმეტრია, რაც ხშირად ამცირებს ფერმერთა რეალურ შემოსავალს. ამას ემატება გადამამუშავებელი სექტორის არასაკმარისი განვითარება და თანამედროვე ტექნოლოგიების ნაკლებობა, რაც ზღუდავს დარგის კონკურენტუნარიანობას.

შესაბამისად, მეციტრუსეობის მდგრადი განვითარებისთვის აუცილებელია თანამედროვე აგროტექნოლოგიების დანერგვა, ფერმერთა კოოპერაციის გაძლიერება და ხარისხზე ორიენტირებული წარმოების განვითარება. ამ მიმართულებების განხორციელება ხელს შეუწყობს როგორც შიდა ბაზრის სტაბილურობას, ისე საექსპორტო პოტენციალის ზრდას და საბოლოოდ გააძლიერებს დარგის ეკონომიკურ მნიშვნელობას ქვეყნის განვითარების პროცესში.

დასკვნის სახით ანალიზი აჩვენებს, რომ საქართველოს აქვს მნიშვნელოვანი პოტენციალი მეციტრუსეობის განვითარებისთვის, განსაკუთრებით აჭარაში. თუმცა, დარგის სრულფასოვანი განვითარებისთვის აუცილებელია კოოპერატივების გაძლიერება, გადამამუშავებელი ინდუსტრიის გაფართოება და ექსპორტზე ორიენტირებული სტრატეგიის ჩამოყალიბება. საერთაშორისო გამოცდილების გათვალისწინება და მისი ადაპტაცია ადგილობრივ პირობებთან შეიძლება გახდეს ის გზა, რომელიც ქართულ მეციტრუსეობას უფრო კონკურენტუნარიანს გახდის გლობალურ ბაზარზე.

გამოყენებული ლიტერატურა:

1. საქართველოს სტატისტიკის ეროვნული სამსახური (Geostat). საქართველოს სოფლის მეურნეობა.
2. CIRAD. World Citrus Statistics.
3. Food and Agriculture Organization of the United Nations (FAO). *FAOSTAT Database*.
4. International Trade Centre (ITC). Trade Map – Citrus Trade Statistics.
5. Ministry of Environmental Protection and Agriculture of Georgia. Agricultural Sector Reports.
6. OECD. Agricultural Policy Monitoring and Evaluation.
7. Todaro, M., & Smith, S. *Economic Development*.
8. World Bank Data. Agriculture and Rural Development Indicators.

REFERENCES:

1. National Statistical Service of Georgia (Geostat). Agriculture of Georgia. CIRAD. World Citrus Statistics.
2. CIRAD. World Citrus Statistics
3. Food and Agriculture Organization of the United Nations (FAO). *FAOSTAT Database*.
4. International Trade Centre (ITC). Trade Map – Citrus Trade Statistics.
5. Ministry of Environmental Protection and Agriculture of Georgia. Agricultural Sector Reports.
6. OECD. Agricultural Policy Monitoring and Evaluation.
7. Todaro, M., & Smith, S. *Economic Development*.
8. World Bank Data. Agriculture and Rural Development Indicators.

CITRUS FARMING AS AN IMPORTANT SECTOR OF AGRARIAN ECONOMY: ANALYSIS OF THE WORLD AND GEORGIAN ECONOMIC EXPERIENCE

Tako Jintcharadze
Master of Economics, GTU
jintcharadze.tako@gmail.com

RESUME

Agriculture plays an increasingly important role in the economy, especially where it is employed, is a source of food security and export earnings. In this context, citrus farming is the most highly profitable and export-oriented. Oranges, tangerines, lemons and other citrus crops are valued for their nutritional value and constant demand in the international market. Global citrus production contributes to economic growth, job creation and foreign trade development. Citrus farming in Georgia plays a complex role, especially in the western regions. The aim of this paper is to analyze the economic importance of citrus production, production trends, trade dynamics and design challenges at the global and all levels. It also addresses market development opportunities and modern ways to improve competitiveness methods.

Keywords: agricultural sector, agribusiness value chain, citrus farming, agrarian economy.